



16 DAYS OF ACTIVISM AGAINST GENDER VIOLENCE  
16 DÍAS DE ACTIVISMO CONTRA LA VIOLENCIA DE GÉNERO  
16 JOURS D'ACTIVISME CONTRE LA VIOLENCE DE GENRE  
25 NOV - 10 DEC <http://16dayscwg.rutgers.edu>



## INFO STRANICA#3

**Seksualno nasilje u vezi sa sukobom** – Posljednjih godina se sve veća pažnja usmjerava prema oblicima seksualnog nasilja koje se događa u i oko zona sukoba, uključujući silovanje, genitalnu mutilaciju, seksualno ropstvo, prisilna trudnoća ili sterilizacija i seksualno nasilje unutar vojske. Takvi akti nasilja predstavljaju kršenje ljudskih prava pojedinaca i zajednica. Dok je seksualno nasilje tokom i nakon sukoba predstavlja dio kontinuiranog nasilja sa kojim se suočavaju žene i djevojčice, nestabilnost i nesigurnost koje donosi oružani sukob ima tendenciju da intenzivira nasilje nad ženama i čini njegove oblike ekstremnijim, raširenijim i fatalnim. Čak i nakon što se 'prepoznati' sukob okonča, seksualno nasilje se može nastaviti u visokom procentu u domovima i zajednicama gdje opstaje militarizirano okruženje. Mnoge ženske organizacije su naglasile umjetnu podjelu kreiranu pojmovima kao što su konflikt vs. post-konflikt, citirajući da se militarizirano nasilje nad ženama nastavlja uprkos formalnom okončanju rata.

Diskusije koje jednako vode međunarodna tijela i vlade o nasilju vezanom za sukob ne trebaju samo uključivati stvaranje 'rata sigurnijim za žene,' već za prioritetni cilj trebaju imati zaustavljanje militarizma. Militarizirano nasilje je direktno povezano sa izgradnjom i jačanjem moći i hijerarhija – naročito moći nad 'drugima.' Zbog toga što militarizam privileguje određene nasilne oblike maskuliniteta koji često naglašavaju moć muškaraca nad ženama (i u nekim slučajevima nad drugim muškarcima), postoji direktna veza između korištenja seksualnog nasilja kao sredstva za pojačavanje rodni i političkih hijerarhija. Imajući u vidu ovu realnost, od ključne je važnosti da su muškarci uključeni u procese propitivanja nasilnih oblika maskuliniteta.

Osobe koje su preživjele seksualno nasilje su takođe pojasnile načine na koje nedostatak medicinskih resursa, odustvo servisa podrške i savjetovaništa i neuspjesi policije i pravosudnih sistema da istraže i procesuiraju zločine takođe predstavljaju prepreku prijavljivanju seksualnog nasilja. Kao odgovor na ove izazove, nužno je povećanje fondova koje vlade i međunarodna zajednica alociraju za brigu i podršku osobama koje su preživjele seksualno nasilje, naročito kako bi se osigurao pristup službama za zaštitu reproduktivnog zdravlja i valjano prikupljanje dokaza. U međuvremenu, počinioci seksualnog nasilja takođe trebaju pristup programima i procesima reintegracije, rekonsilijacije i rehabilitacije.

Iako je UN sistem postigao izvjestan napredak u adresiranju seksualnog nasilja, još uvijek postoji veliki jaz između međunarodnih diskusija i konkretnih promjena na nacionalnim i lokalnim nivoima. Više može biti učinjeno u pravcu učenja iz iskustava organizacija za ženska prava na nivou država. Iako su mjere zaštite žena od nasilja tokom sukoba važne, jednako je važno podržati uloge žena kao agentica promjena i mirotvorki, tako što će se dokumentovati njihove uloge u naporima izgradnje mira i osigurati da se njihovi glasovi čuju u diskusijama na državnom i međunarodnom nivou.

### Virdžinijin izvještaj

#### Filipini

*Ja sam Virdžinija Villarma. Rođena sam 5. maja 1929.g. u Kabangkalanu, Negros Occidental, u Filipinima... Kada sam imala četrnaest godina, oteta sam od strane japanske vojske. Dok sam hodala, tri japanska vojnika sa puškama su me zgrabili i udarili bajonetima. Čak su me šamarali. Bila sam prisiljena da se vozim na njihovom zelenom vojnom džipu. Dovedena sam u njihov garnizon, u zgradi na South Pier-u, u kojem se sada nalaze kancelarije Biroa za carinu. Tokom moje prve noći u granizonu, silovana sam od strane pet japanskih vojnika. Nisam mogla učiniti ništa drugo osim da plačem i molim za milost, međutim oni su samo vikali na mene da zaćutim. Tako sam samo podnosila moju bol u tišini, bojala sam se da će me povrijediti ukoliko se budem opirala. Petorica ili više vojnika su me silovali noću i danju. Tokom dana, čistila sam njihove spavaonice. Takođe su me natjerali da perem njihove prljave uniforme i donji veš. Bilo mi je teško da se krećem zbog bola u cijelom tijelu i genitalijama tokom mog prvog silovanja. Noću, oni su me seksualno zlostavljali. Mislila sam da ću da umrem od patnje. To je trajalo tri mjeseca.*

*Jednoga dana 1944.g. bila je gužva u garnizonu i uspjela sam pobjeći tako što sam skočila u rijeku. Sakrila sam se pod vodenim ljljanima i kad sam kasnije isplivala na površinu, spasili su me neki ljudi sa obale rijeke. Čitala sam o ovome teškom iskušenju mnogo godina...1959.g. sam se udala i blagoslovena sam sa petoro djece. Na radiju sam čula priču jedne od žrtava seksualnog ropstva tokom Drugog svjetskog rata, i odlučila sam da prekinem tišinu 1993.g.*

Posjetite: <http://www.wam-peace.org/english/> ukoliko želite pročitati više o „ženama za utjehu” tokom Drugog svjetskog rata.

# Predložene aktivnosti

- **Lobirajte svoju vladu:** UN Savjet bezbjednosti je usvojio [brojne rezolucije](#) (1325, 1820, 1888, 1889, i 1960) vezane za žene, mir i sigurnost, i vlade su pozvane da se obavežu na primjenu ovih rezolucija u praksi. Postavite pitanje svojoj vladi kako planira da djeluje na primjeni ovih rezolucija i lobirajte za učešće žena u procesima donošenja odluka na svim nivoima u vezi sa pitanjima mira i sigurnosti, uključujući i: mirovne pregovore, demobilizaciju, razoružavanje, repatrijaciju, procese povratka i repatrijacije, kao i napore usmjerene na izgradnju mira, oporavak i rekonstrukciju.
- **Kreirajte sigurne prostore:** Ukoliko vaša organizacija ima iskustava sa pružanjem savjetodavne podrške žrtvama nasilja, kreirajte edukativne programe kako bi ste obučili druge o odgovarajućim protokolima savjetovanja, dostupnim pravnim i medicinskim resursima, povjerljivosti, prikupljanju dokaza i svjedočenja i senzibilnosti prema osobama koje su preživjele nasilje.
- **Širite riječ:** Pozovite medije da izvještavaju o vašim aktivnostima ili zahtjevajte od njih da postave pitanje o seksualnom nasilju vezanom za konflikt u svojem izvještavanju. Obratite se svojim političarima i tražite od njih da podrže međunarodne, državne i lokalne napore usmjerene ka zaustavljanju seksualnog nasilja tokom i nakon sukoba. Koristite vlastite stranice društvenih medija kao platforme za podjelu informacija o ovim problemima i koracima koje aktivistkinje i aktivisti mogu preduzeti.
- **Podržite organizaciju:** Povežite se sa ženskim organizacijama u zajednici koje rade u konfliktnim područjima ili sa izbjegličkim zajednicama i obezbjedite im finansijsku i/ili moralnu podršku za njihovo javno zalaganje i rad na pružanju podrške osobama koje su preživjele nasilje. Ukoliko imate sredstava, razmotrite organizovanje događaja usmjerenog na prikupljanje sredstava za organizaciju koja ima dokazana iskustva u radu sa osobama koje su preživjele seksualno nasilje.
- **Muškarci & dječaci:** Muškarci i dječaci koji vjeruju u rodnu ravnopravnost mogu biti važni saveznici u aktivizmu usmjerenom ka zaustavljanju nasilja nad ženama i djevojčicama. Pozovite muškarce i dječake koje poznajete da vam se pridruže tokom događaja u vezi sa 16 Dana aktivizma i zamolite ih da podjele ideje kako da uključe svoje vršnjake u zaustavljanje nasilja. Za više ideja, posjetite [White Ribbon Campaign](#) ili [MenEngage Alliance](#).
- **Uslikajte:** Pokažite svoju solidarnost dodavanjem svoje slike sa prekrštenim rukama u "Get Cross" projekat "Zaustavi silovanje sada: UN akcija protiv seksualnog nasilja u konfliktu: <http://www.stoprapenow.org/take-action/>. Koristite fotografiju kao svoju profilnu sliku na stranicama društvenih mreža!

## Resursi

- Eriksson Baaz, Maria i Maria Stern. (maj 2010.g.) *Kompleksnost nasilja: Kritisčka analiza seksualnog nasilja u Demokratskoj republici Kongo (DRC)*. Sida Radni dokument o rodno zasnovanom nasilju. Dostupno na internetu: [http://www.peacewomen.org/assets/file/Resources/NGO/vaw\\_thecomplexityofviolence\\_nordicafrica-sida\\_2010.pdf](http://www.peacewomen.org/assets/file/Resources/NGO/vaw_thecomplexityofviolence_nordicafrica-sida_2010.pdf)
- Moser, Annalise. (oktobar 2007.g.) *Žene grade mir i sprečavaju nasilje u kontekstima pod uticajem sukoba*. UNIFEM. Dostupno na internetu: [http://www.unifem.org/materials/item\\_detail.php?ProductID=112](http://www.unifem.org/materials/item_detail.php?ProductID=112)
- Nobel ženska inicijativa. (maj 2011.g.) *Rat za žene: Vrijeme za akciju ka zaustavljanju seksualnog nasilja u konfliktu*. [http://www.nobelwomensinitiative.org/images/stories/Conference\\_Ottawa\\_Women\\_Forging\\_a\\_New\\_Security/war-on-women-web.pdf](http://www.nobelwomensinitiative.org/images/stories/Conference_Ottawa_Women_Forging_a_New_Security/war-on-women-web.pdf)
- Otto, Diane i Helena Gronberg. (2009.g.) "Suočavanje sa seksualnim nasiljem u situacijama konflikta." Od *Žene traže pravdu: Korištenje međunarodnog prava u konfliktnim i post-konfliktnim situacijama*. Dostupno na internetu: [http://www.iwgc.org/Legal\\_Handbook/Handbook.pdf](http://www.iwgc.org/Legal_Handbook/Handbook.pdf)

## Web stranice

- Globalno partnerstvo za sprečavanje oružanog sukoba: <http://www.gppac.net/page.php?id=1>
- Isis Međunarodna ženska među-kulturološka razmjena (Isis WICCE): <http://www.isis.or.ug/index.php>
- Konzorcijum – Reagovanje za reproduktivno zdravlje u situacijama konflikta: <http://www.rhrc.org/>
- Zaustavi silovanje sada: UN Akcija protiv seksualnog nasilja u konfliktu. *Različiti dostupni internet resursi koji diskutuju seksualno nasilje u konfliktu:* <http://www.stoprapenow.org/advocacy-resources/>
- UN Women rezolucije i instrumenti: [http://www.unifem.org/gender\\_issues/women\\_war\\_peace/resolutions\\_instruments.php](http://www.unifem.org/gender_issues/women_war_peace/resolutions_instruments.php)
- Ženske inicijative za rodnu pravdu: <http://www.iccwomen.org/>

Translation provided by Aleksandra Petrić, United Women Banja Luka, BiH



<http://www.unitedwomenbl.org>